

Tau kupu fakamaama ke he tau veve

Kamataaga he fakaaogaaga he bokashi

Kehe mai e puhala ne fakaoga aki e bokashi mai he puhala ne fa fakaaoga ke taute aki e tau veve toe mena kai he kaina. Fakamua na fa tolu e tau veve ke he katene ke faka popo kae fakagahua e bokashi he puhala fakapulu ti kakano mitaki e fetalaisa ne moua mai he puhala nei ke tanu hifo ke he haau a katene.

Ko e heigoa ka tuku e au he pakete bokashi haaku?

Teitei ni ke aofia oti e tau veve mena kai ke tuku he pakete bokashi ti mua atu ke he tau mena kai mōmō.



✓ Fakaaoga e:

- tau fua lakau mata mo e tau lauakau kai
- tau mena kai kua mau
- tau vala manu moho mo e mata, mo e tau ika
- falu mena kai kehekehe tuga e siisi, tau fufua moa, fua falaoa, tau pini kofe mo e tau taga pini tī
- tau fiti fifigo.

✗ Ua fakaaoga:

- e tau puke tuga e huhu, huhua fuamoli po ke tau oela
- tau afifi laupepa mo e palasitiki
- tau polohui manu.

Toka e au i fē e pakete bokashi haaku mo e soatasi ganagana?

Kua lata ke toka he matakavi mafana, mamao mai he hikila he laa. Lata tonu e fale motokā, poko tunu kai mo e poko unumena. Ko e tau vahā mafana, mitaki foki ni e taha matapoko malumalu i fafo.

Fiha e pakete bokashi haaku kua lata ke moua?

Ko e lalahi he tau pakete bokashi ke fakaaoga he kaina, ne hao ai 15 e lita he tau veve mena kai. Kua lata e tau kaina oti ke moua taki ua e pakete bokashi. Ko e taute pehē nei ha ko e mena toka e pakete puke ke tu noa ke ua faahi tapu.

Kaeke kua puke e pakete he kaina haau i lalo hifo he ua e faahi tapu, manamanatu ke he fakaaoga e pakete lalahi hake po ke taha foki ke tolu aki. Ua popole e tau kaina ikiiki, kaeke kua molea e tau mahina he fakapuke ai e pakete. To mua atu e tupu mitaki e fetalaisa bokashi ka leva pihia to puke e pakete haau.

To moua e au mai i fē e tau koloa bokashi?

Hahā he tau kaina katene mo e tau fale fakafua koloa kaina, e tau pakete bokashi mo e soatasi ganagana. Ke moua e tokaaga he tau koloa nei ne tata atu ki a koe, ahiahi atu ke he www.aucklandcouncil.govt.nz ti kumikumi ke he 'bokashi'.

Fakalataha atu ke he vahega fakaako fakapopo veve he Fono Maaga Okalana mo e moua e tologi tokolalo he tau pakete. Vilo e 09 301 0101 ma e falu a talahauaga foki. Kaeke kua manako a koe ke taute ni e koe haau a pakete bokashi, kumikumi atu ke he 'Google' – ke he 'make your own bokashi bucket.'

Kua mailoga he Fono Maaga Okalana a Zing Bokashi™, ne ha ha i ai e koloa loto matala kua fakaaoga ke he kamataaga he laupepa fakatonutonu nei.

- ▶ **Ke iloa e falu foki:** vilo e 09 301 0101 po ke ahiahi atu ke he www.aucklandcouncil.govt.nz